



徐氏海隅集

鷗川劉氏
歷本

馬三



徐氏海隅集卷之五

英郡徐學謨叔明著

七言古體

采石

眼中誰是文章伯我登采石弔李白蒼崖齒齒江
潏潏孤帆箭激迴嶙峋楓林精魂或不死落月欲
墮滄溟水漸向江湖老客星浮湘更讀離騷經沉
沙埋骨總賢達睥睨乾坤意踈豁鯨魚夜吼波浪
翻手摘長庚渺天末

小孤山

潯陽東來江淼淼九派浮空散輕舸大派森拱小
孤立如拳之石凌縹渺造物設此故有意一柱中
流壓奔噉軫翼之區地有靈江湖襟帶翔天表崖
顛石走不可攀洞壑誰能割昏曉 先皇曾此駐
鑿輿御墨淋漓鎮孤峭頓看白日生雲煙四壁龍
蛇倏夭矯

潘子實初至京留宿館中贈歌

潘郎昨自吳門至繫馬燕山尋酒肆倉皇莫識主
人門雙瞳無光色凋頰竭來坐我草堂中覽鏡淒
然掩枯淚自言二月始離家指點雲霄在平地輕

帆一躍波浪開直度江淮望幽冀寧知河底飛赤
砂十步牽輓九步躡翻身跨馬荒山柵觸冒炎風
斜攬轡長途六月少人行晝虞豺虎夜魍魅山中
老生空自嗟一見故人顏面異我聞此語心愴然
自古窮途困騏驥功名蹭蹬每如此仰視蒼天豈
無意君不見匣中龍劍埋虹光肯與鉛刀苦爭利
時來憑籍掃烟塵世人始識精靈器勸君莫歌行
路難勸君莫把長鋏彈且沽斗酒話宿昔醉看明
月來雲端

南谷草堂歌贈茹司務

夜郎萬里控南陸盤崖走嶺虬龍矗四山合沓起
陰霧深箐平鋪千畝綠君家結屋當其陽簷影扶
踈蔭嘉木朝看初旭麗晴嵐夜望斗文沉大麓十
年閉戶人豈知已破萬卷猶不足偶然抱策干明
時一日聲華滿京轂曾向金門校秘書太乙青藜
照天祿漢庭侍從皆鄒枚紫陌鳴珂共馳逐夢魂
忽入故山雲一掃輕綃頻佇目予家亦住東海頭
數椽堪作蘧廬宿揭來墮落塵網中讀書臺下生
幾菽何人爲賦小山招因君草堂感初服人世升
沉會有時安論巖廊與窮谷故國神遊倍悄然雄

飛雌伏總堪憐衡陽峰斷無飛雁爲爾緘題南谷
篇

雨雪歌度郎山作

君不見山頭雨飛凍成雪又不見山下雪銷化爲
雨造物變幻杳莫窺震蕩乾坤恣吞吐上山水結
墮人指下山泥深没人股蒼崖崩摧猿嘯啼白日
晦冥鬼愁語馬蹄旋坂鬱千盤鳥道摩空穿一縷
嗟爾西遊者誰子胡不輟策於曠莽之墟乃凌此
窮山之險阻但見肩輿欲上不得上顛頓峻嶒如
鍛羽僕夫牽挽不得力衝晨相喚過卓午左足支

撐右足扶後肩抖擻前肩俯一夫當與作虎然百
夫從之如蟻附盤蚪翔龍森我傍偏側驚呼毛髮
豎長風獵獵怒且號不知引我於百丈之丹梯或
吹落於千尋之雲塢羊腸崔嵬九坂折由來意氣
專報主爾何爲乎西來遊畏途無乃太輕侮晚來
雨歇雪不飛踏破微茫見平楚渺渺寒江急暮流
歷歷沙頭辨津樹鄖州城邊問主人明朝束帶趨
大府

荊州題蠨圖

我憶吳州八九月風吹湖頭捲飛雪蕪葭蒼蒼稻

花赤何來紫衣翻蹙躡天陰月黑魍魎伏穿砂走
畛千羣結漁人敲榜雜齶嘈夜半燃藜照鉗掣造
物產此詎無意新筍恰及黃花節一螯可吸三百
觥流膏滿泛雲母屑江天生計足自老高歌欲擊
唾壺缺自從十載客燕山天津有蟹剛如鐵侯家
爭市羅綺筵甘炙苦被饕人切卽官俸薄寧耐饒
一月猶能三四啜竭來乘舸下江陵七澤波濤鬱
盤折胡爲水國亦稀覯貧江却負老饕嚙武昌傳
至不論錢王門一膾千瓊玦我欲因之問河伯憑
誰鑿破混漚穴昔人不乞無蟹郡枉向君王授符

節朝從帝子遺輕綃丹青一覩真奇絕森弋擁劍
勢欲奔落芟殘芟滿迴次煙雲倏忽凌渺茫跳入
金尊薦芳冽江東狂客發興新醉眼摩挲幾涎咽
當年張翰賦歸來鄉心那爲鱸魚折瀛州天姥各
何方來徃乾坤任飄瞥

天柱峰觀月出歌

虹橋誰鎖千尺鐵天梯雲棧闢巖壑飛鳥迴翔撥
羽翰輕身直上紫霞闕紫霞仙人白羽裳絳節飄
颻羅我旁松濤颯颯捲煙霧雙童把贈明月光東
林猿啼西虎嘯箕坐峯頭欲狂叫不知三界耿何

許俯視冥濛通一竅千山萬山森戟排小星大星
當面迴光芒盪射天河倒欲與濁世洗浮埃大華
如拳江漢立醉來翻覺天柱窄振衣千仞歌者誰
南紀飄零老賓客

飛昇巖下訪琴陽道人作

僊人鞭龍出氛炎昇真之石青如帘混涸何人此
鑿剗千松摩崖森戟髯白日冥冥杳墮崦灌莽伏
者虺與蚺至靈不受浮埃漸結廬道者來自黔乾
坤泱泱羅四檐風霆迸擊破網罟駕言從之壑晝
覘鈎衣刺足徑相銛洞門飛出雙玉蟾紫衣按劍

後山詩集卷之五 五
么麼殲石床雲磴盡日淹塵機一點鼎沸鹽車牽
馬繫坐自燂鼎空詎是神物潛入山不深意未厭
丹崖汗漫何年簷空中天雞聲出鬻條然揮手眇
雲檐歸來獨立山之尖夢中天姥不可瞻僊風貴
骨那能無委形大化皆酣酣

醉中題醉人圖

我從燕山到京闕五陵豪客傷離別相逢不飲君
柰何甕潑葡萄酒色如血須臾吸盡三百壺西陵之
日驅金烏眼中誰是高陽徒醉來忽見醉人圖圖
中之人誰最醉美而鬚者皆如淚翻身跳浪招且

號夜半山精引羣魅東隅之叟頹不禁擁爐鼻作
蒼蠅唵夢中舒拳賭六博猶呼一擲千黃金蹲者
陰崖伏餒虎走者風舠蕩小櫓何人仰而獅作吼
何人歌咽水升岸何人露頂髮不梳咄誰持酒澆
其顛何人掉臂揮大斗一瀝沾唇苦于茶謾道真
珠兼琥珀翠屏錦繡聲喀喀流涎殘沫迸地走珊
瑚鋪滿金吾宅衆中飲者誰最多裋衣之客傾江
河恰如廉頗老善飯眼看醉者皆么麼么麼纍纍
何足較或鼓或泣或大嘯玉山自在誰能推欲上
青天挽雙曜劉伶畢卓俱塵埃幕天席地安在哉

今宵不聞婦人語明日看花我復來

赤壁行

三國赤壁今在嘉魚縣子瞻所賦乃黃州赤嶼也與至寓言耳

炎風破浪吹南極我浮岳陽辨江色片帆西來疾
如羽忽見攢崖怒相逼翠削芙蓉露燒痕壑陰杳
杳白日匿古碑摩嵌巖負文科斗却被蒼苔蝕當
年赤壁無乃是周郎於此破曹賊憶昔曹軍走華
容華容正與嘉魚通林臯相去一千里二賦猶傳
蘇長公長公胷中何所有虬龍虎豹皆芻狗興來
把筆恣吐吞今古英雄此斗酒長江無窮日月飛
造物何人瞰此機醉來赤嶼當赤壁林臯嘉魚誰

是非不然夢中道士來何處化爲孤鶴橫江去此
事問君却有無雪堂之僊不可呼

佛牙行

有序

佛牙者孱陵二聖寺所藏形模詭異香氣襲人
亦一神物寺僧持以示余因念此地屢被水厄
室廬蕩析乃今寺與佛牙獨無恙當必有呵護
之者書此

孱陵佛牙如掌大妙香伴供彌陀座雕龕瓊護幾
百年相傳壁支此蟬蛻貞元佛骨竟何如天子親
迎走使車世間神物無相識不遣孤臣有諫書

白螺行

時景藩索課於此苛甚民無寧宇可念也

風吹巫峽江如簸何者一螺當江坐勢壓水口抵
齧崩沙脊嶙峋橫伏馱螺邊人家泛估船得魚買
鹽撐日過去年水滄車木堤滿縣漂衝失耕作官
府有差無處派翻視白螺爲奇貨紛紛下帖迎上
司白日索夫夜巡邏可憐殘子苦無皮忽傳使者
收門課門既有差地有租此額更從何處科生血
迸地不得收爺娘妻子忍遷播輸錢猶可輸命難
偏側乾坤幾穩臥魯門爰居知避災眼前世事堪
一唾老蛟跋浪白鱣泣賤夫只恐滄江破

鈞州月夜偶逢司理牛君因約遊玄岳賦此
吾從燕北來爾向荆南發他鄉遇故知千里共明
月一春足繭半道途鈞州城中呼酒徒明朝拂袖
尋山去揮手天峯爾共吾

贈殷無美海上觀日歌用蘇氏白水山韻

九天垂雲杳難控何人却把滄溟弄殷生胸次走
洪濤欲謝塵寰窺瀕洞寶山孤矗扶桑西躍馬峰
頭挽飛鞚坐來碧落鎖氤氳薄衣濕盡烟嵐重夜
半天鷄喚曜靈老鰲出水抱金甕迴風乍捲星宿
稀飛霞森映鱗甲動直排溷溷驅天吳空濛萬頃

徐氏海閣集 卷之三
心神共翻身便跨壺中龍開眼已迴天姥夢逍遙
揮手謝羣仙雲裏猶聞笙鶴送世人謾與說奇蹤
夏蟲豈信黃河凍香山老人驚短李長篇更羨如
川涌乾坤偏側爾何爲赤霄靈囿隨麟鳳

無美謝余緇巾之贈輒投長句中有慢世語
因用來韻答贈

我昔披霞別紫皇曾窺香案分玄霜摩挲醉潑千
縑細高陽自謂生不狂眼中誰是昴霄郎恠汝瞳
精射練光逍遙八極神采揚袖中共有龍宮方越
羅褰首隨弛張儵然不異九陽粧紫虹爲帶雙鳴

璫五采照耀天孫裳從來法器豈尋常我今解脫
非徒將汝遊東海近蓬桑列真來朝森兩行世間
齷齪等糝糠糞蛆喙穢紛相攘雄雌飛伏何佷昂
掉頭且向名山藏浮榮不羨會稽章雲幢羽蓋紛
輝煌萬歲千秋在汝旁西飛日月總茫茫形骸滯
礙亦何妨池籠莫謾令心傷

五月六日黃姑灣覆舟諸君枉訊戲拈長句
用貽解嘲時予新脫景藩之難

黃姑白日暄如炙姑流宛轉罔身窄此中那得有
風波能令壯士銷魂魄颯然森爽開炎蒸對面揚

沙天爲赤我舟恰受十斛寬敢與扶搖鬪雲翮跳
沫從橫中憤寒迴湍奔迸陂陀坼篙師猶自力支
撐一箬誰當巨靈擘陡絕何如灑灑堆馮陵竟入
蛟龍宅蒼頭出水勿叫號主人原是釣鰲客側身
倒卧蓮葉輕開口紛呈浪花白半空騰躍現本來
四衆羅觀爭引掖超脫俄乘博望槎跣趺似點生
公石曝髮斜陽天鏡空昔非空惚今非適乾坤四
大足可憐枉向馮夷賭一擲浩劫難磨幻化軀慈
航又度河沙阨世間變態何所無畏路經行慎自
惜憶昨扁舟江漢間挂帆千里破愁顏安流豈合
生傾覆君獨不見黃姑灣

家有雙鶴爲縣官持去三年始歸喜而作歌
吾家雙鶴皎如練雲翮初成誰不羨爲看河陽縣
裏花行子三年不相見官家餽飼寧論錢飽食魚
鰕蒙婉變遂今日給走漁簑鮮腥滿籠供一咽野
性從來不受喧榮光肯博故時恩歸來似喜脫羈
束翛然猶識主人門向余長鳴如有訴草木森動
驚流奔蕙帳蘭房尚如昔置女庭階伴蕭瑟山中
哺啄寧厭貧故情未肯輕移易人生喧寂會有時
一飽能摧志士眉明朝刷羽天池去水落江空任

所之

王山人翹畫桃花洞歌

君不見湖山夜半飛鬼斧削出巖從閩虬虎江村
地脉少融結何來恠石盤沙鹵割然疑有巨靈通
錯落鈇鈇呈洞府白日照耀冰雪光夢裏銀臺恍
天姥王郎倒卧雲磴平摩挲四壁如有情料理丹
青入毫穎解衣盤礴秋空明誰家樓頭洗粧水淺
白輕紅調玉指蕭疎何處覓芳華一潑淋漓春艷
起須臾點綴入微茫凝幹含英見端委淡如秋水
落殘霞濃似千箱散零綺小枝傚傚舞力嬌掌中
飛燕清酣倚大枝糾結逐風飜太真姊妹車如市
千咲百媚誰禁當肥葩嫩蒂生容光落紅點點照
人面錦江濯罷胭脂香五沃精神驚百卉仙株玉
嶺何低昂山家自是耽枯寂王郎繪此意頗適平
生礮磊酒難澆筆底穠天恣揮斥漁郎莫認武陵
津今時豈有避秦人度朔靈山無乃是與君痛飲
一千春

出門行送張六之岱北上

蕭蕭寒風何處來落日下照黃金臺長河夜寒皎
龍計遠行之人胡爲哉少婦嗔顏老翁喜功名豈

在蓬蒿裏十年揣摩今已成匣中鳴劍催駟犬
夫生世無所用咄咄書空徒自耻君不見定遠厭
傭書又不見平津倦牧豕風雲遇合固有時富貴
偏人亦老矣男兒及壯當封侯杜陵之言蓋如此
朝辭吳會暮燕山大江秋色思公子故人冠蓋滿
京華莫投狗監尋知己出門且把危冠彈少日已
過來日難乘時早奏金鑿賦萬里雲霄看羽翰

與郭督府索狼山子石

壯士彎弧射三島滄波不動攬槍掃軍中超距樂
何如流星錯落天峰倒誰能爲我斫雲根移向山

中藉蘚痕他時儻躡元戎履飛動雄心到海門

郭督府贈刀舟一作刀舟行

小舟如刀鷁彩新郭侯遺自江之濬池塘過雨水
泚泚長年搖蕩捷有神排山駕浪不可馴颯成風
雨驚千鱗當年箭激破烟塵十洲三島皆比鄰功
成已勒神山氓始向山人伴釣緝悠然泉壑故相
親吾道龍蛇有屈伸更在何處問迷津酒酣鼓枻
陶吾真此意吾與刀舟論

月桂篇贈李選部并序

襄陽李選部有別業在城南內老桂一株扶疎

後日海陽集卷之五
可蔭十席疑百年外物旁列青松規轉如暈仍
琢兔守之甚類蟾宮秋日始花余過飲焉賦此
爲贈

李侯本是金閨彥供奉曾趨拾翠殿當年歸種漢
陰園世事浮雲日幾變園栽珍卉俱十尋紛琪絢
采爭春陰衆中一種更奇絕天葩秀出青松林江
南此種不足數緣蹊繡嶺森差互由來王謝易凋
零安得眼見百年樹此地城南樵牧場漢人歲歲
愁懷襄靈株豈有神物護蒼根磊砢雙虬翔相傳
云自艾宗伯于今却傍李侯宅紛溶影落峴山斜

幡纚光迴江練坼柔條飽露失羣芳密葉連雲成
一碧俄然躡足嬋娟宮招搖天路如相逢誰令玉
兔擣靈藥坐拂玄蟾窺秘叢主人好奇無遠俗置
我水晶之華屋是時陰風破峽來長空迸落天花
馥給園颯滿布地金藍田俯拾生烟玉兩袖飄遙
度漢槎百觴浮動吸朱霞共將素節憐芳樹未遣
清香妬鬢華人世丹梯隨處有何必天邊犯牛斗
平泉花木總寂寥金谷繁華易衰朽晚來矯首問
青天秋容莫厭棲遲久恩華縱讓大夫松盤桓却
勝先生柳勸君且賦小山篇淮南藜桂至今傳八

徐氏海隅集卷之五
公一去無消息獨見長庚老謫仙

頭陀生行 并序

頭陀生者故遼藩弄兒國亡後祝髮入道爲襄陽邏者所得余哀其窮釋焉作是篇

江陵昔日重驪宴侍兒俱在芳華殿酣歌那省風
愆篇狎比貪看佞幸傳是時頭陀生幾年髮雲縹
繞垂兩肩宮娥望幸不得前衆中一身當三千長
秋翻結齊紈怨綺閣偏承剪袖緣自謂穠華可長
久狂飈忽集章臺柳天上纔飛司隸章宮中已授
邪臣首白馬盟寒帶礪空黃龍讖應狐狸走六王

之鬼餒不舖曳裾賓客爲鉗徒頭陀何物么麼者
飛身化作崑崙奴袖間金錯一七首腰下赤羽雙
僕姑禁門躍出青天杳白日重關失萬夫回頭慟
哭下宮血當年嬰白誰存孤折却七首揮僕姑吾
儕小人何爲乎往日紅顏堪一擲行雲過眼湘江
碧黃金散盡舞臺傾青鬢悞身真可惜轉盼君恩
不到頭并力斷送舊風流欲尋雲外龍堂寺不覺
秋深燕子樓浮生如露亦如電流浪年光颯飛箭
傷心莫話轉春鶯埋骨堪投定惠院竭來何事逐
紅塵猶是從前一幻身香飄膩玉侵羅帑淚決流

波濕漢津紫盃白衲強裝束伶俜還帶雙蛾蹙堦
下低頭望使君十年前是荊州牧昔日亡陳怨麗
華至今遺恨後庭曲不信兒曹生禍胎後來國事
誰傾覆奏當還識 聖恩寬謝書終貸伶官戮世
上全身須馬蹄江濱何處藏魚服西方本是再生
天金輪轉出迷魂獄故國淒涼莫嘆嗟飄零行脚
向天涯縱然未了三生債更望何門認主家

徐子與自鄂州寄蟹一筐爲襄中所珍喜而
作歌

紫衣翩翩何來者徐陵寄我自江夏冒霧衝烟促
傳輶裝賫急策黃騮馬開籠檢掣響齊嘈一時聲
重襄陽野襄陽使者徒擁旄可憐屋下走江濤有
江不肯容郭索安用崩崖齧石徒悲號相望武昌
只一水造物偏枯竟如此甕下擎張畢卓拳秋來
饑折老饕齒故人昨登黃鶴樓分甘却念水西頭
團臍六十比連壁令我持此可以傲朱邱之盤羞
小兒睥睨不敢近但見甃甃傍地森戈矛饕人快
斲鼎初沸緋珠噴薄撐腸胃紛紛羅膝吸流膏始
識江東舊風味頓令一日厭槎鱗萬事由來希者
貴當日山公發興狂朝朝空醉習池旁何不訴汝

徐氏海陽集卷之三
三
於河伯遷汝丁上洋冀雙螯之一舉佐千古之流
觴天寒道遠苦難致明年誰在鄂城署爲問先生
肯拂衣不如乘舟且歸去太湖此物賤如泥安能
終淹無蟹處

池口行

東船揚帆向西走帆下只愁虛甕缶西船欲開不
得開牢把柁牙坐池口東船猶嫌風力輕望空招
呼學獅吼西船束手但號飢恰似楊枝生兩肘昨
日西船捷於箭東船相妬復相羨造物從來忌取
多西風忽止東風轉一日九灘君不知九日灘頭
君始疑世間萬事皆如此力由逢年宦遇時若使
西風歲不休乘流一餉海東頭瀛洲方丈何難到
安見蓬婆有客遊

戲題王翹草蟲卷

八尺生紙作一幅王翹最寫草蟲熟此老平生發
興奇能事任人相迫促案頭却立小青鬟頃刻濡
毫攤滿屋本朝寫生數孫隆自成機軸開鴻蒙蜂
或無鬚蝶無翅置之俗眼看不中神品由來出筆
端翹也沒骨將無同不然亦能得半解吳中未見
紙增價終年苦受坎壈纏出無車馬止無舍飢寒

徐氏海隅集卷之五
常在功名前古今豪士俱可憐百甕黃齏猶未了
此卷安得便直千銅錢

鄱口行

鄱湖西口鄰舫人有溺死者作此歌哀之

湖口西風利於戟官船欲上愁沸瀟杙師那解灘
淺深轉展膠沙不得出篙鋒如蝟莽刺撐中有篙
者懦無力眼底都迷五色花突然翻倒馮夷宅長
鯨鼓鬣方伺人一餉那堪味枯腊衆工袖手無奈
何迴視滄波空吃惜我憐此夫還少年生前但種
西鄉田偶來應點分傭直豈逐長年會使船但幸
風恬浪不起過關糧是酒家錢明日未來今日過
醉時且向船頭卧爾曹福過灾自生一朝埋骨鄱
陽渡爲爾求夜長歛噓我輩肉食皆如之濟川之
才詎易得濫竿先生良可嗤平時酣豢縱由汝儻
然緩急將何爲

潭署雨中撥悶放歌

輕雷隱隱在屋角今日雨聲復如昨春江沸鬱苦
無梁濁浪崩騰遠浮鄱欲歸武昌不得歸浮人猶
未換春衣潤氣朝看迷畫棟莓紋夕見繡羅幃南
來車馬何蹙躓山路泥深轉愁絕望塵不見眼幾

徐曰海陽集卷之三
穿束帶那憎腰屢折自昔衡雲不易開韓生何人
能強排亦欲騫龍叫閭闔一放白日掃毒霾毒霾
猶在白日匿坐卧清齋空嘆息長沙卑濕古所聞
我何爲乎悲擁塞西南天地水雲寬浩蕩人間寄
一官倏往倏來俱是適飛身已度祝融端

重登岳陽樓思宋登春山人作憶昔行

憶昔登斯樓我時作楚囚鄒陽懷書不得上王粲
思家空滯留我從荆南來纍衣赴江夏爲愛洞庭
波暫泊岳陽野誰向天涯伴逐臣扁舟惟有宋生
者生本東西南北人一生飄泊在風塵賦詩頗逼

襄陽句飲酒能陶阮籍真睥睨世人眼多白意氣
屬余成莫逆相携沽酒巴陵城同上高樓看秋磧
蕪葭蒼蒼鴻鴈來風濤晝靜蒼梧開烟渚微茫孤
艇出日月照耀雙輪迴俯三巴兮霽霽辨九疑兮
葱黛仙靈度兮吹簫湘魂來兮鳴珮賭君山兮共
擲思帝丘兮遙酌眇塵寰兮偪側仰閭闔兮爽闥
懽娛未罄夕陽遲倏忽分飛在路岐我向江東飽
鱸膾汝歸郢上宿鷺池宋所居天鷺池浮世光陰速如電
轉眼十年人事見死灰豈謂不復燃桑田撫撫有
時變飛揚跋扈竟何爲顯晦升沉君莫眩津吏重

徐氏海陽集卷之五
聞陌上騶酒徒無復樓頭醺一駐城陵思昔年患
難相從真可憐今日重凭赤欄昨縹渺子立空風
煙斯人憔悴知何處掬水那能活枯鮒白髮於今
幾丈長飢寒或恐愁失路瀟湘暮雨轉霏微空梁
燕子春將歸若爲飛上峰頭望天濶龍鍾一布衣

彭澤行

余適楚時有畏於彭澤
今以屬路見迎故賦此

小孤洲邊滂搖櫓彭澤之人昔如虎使者臥符不
得行卽胥按劍甲夫擄今日津頭鉦鼓鳴縣官胡
爲行負弩世間事過卽成塵使者不言君自嗔從
今灞陵有行者莫向將軍問故新

吉陽宮行

吉陽城高勢如拱大鶴小鶴森龍從故王已沒新
王封白日翻飛湏水涌一時供帳擬乘輿請看開
府迎王書十五列侯駉後乘三千采衛引前車前
車後乘紛披靡聯絡行宮一千里雲錦霞綃爭鬪
奇朱衣絳節烟塵起玉盤珍錯不論錢殘膏剩馥
如山委可憐科率遍窮鄉大吏追呼小吏死紫氣
訛傳邛嶺來黃金不博中涓喜漢家勝詭何代無
妄說梁王作天子封疆誰是保釐臣貂監難爲肺
腑親百心未可事一主疾風勁草知何人帝子由

來居內殿睿容那許外人見。壅蔽不聞韓史言。周旋竟隔莊辛面。遂令請地無已時。枉欲開疆益封甸。普天王土皆版圖。江漢雖寬無尺羨。寂寂三荆篋。火烟茫茫九澤空。漁佃東馳西突。可奈何。憂國孤臣淚如霰。當年椎剥苦無多。不道榮華是逝波。龍穴已空鱗甲化。只今惟有舊山河。沉吟此事十年上。轉眼滄桑割指掌。承運殿頭碧瓦翻。端禮門前青棘長。黃狐晝立鷓鴣夜啼。未巷無人色莽蒼。不見周家訓魯公立國。須延長厚風燔林竭澤。何爲者零雨昏霾。慘廢宮。

甲戌中秋夜借鄭大叅戢劉二公憲劉閩帥飲黃州赤壁醉爲此歌

君不見岷山之水捲巫峽而東來。天岳橫波大別立。奔流下注不復迴。黃州片石何磊砢。勢如駝飲當江隈。一鼻昂霄支百折。能令沸滴爭滌泐。崩崖斷岸色盡赭。怒濤擊撞驚電雷。豈是周郎燔賊處。至今烈焰飛烟灰。嶙嶙齒齒鎮長在。雄姿少年安在哉。又不見當年蘇長公。揮毫作賦哀英雄。隨僧一餐亦憊矣。意氣猶能凌絕馮夷宮。虎豹虬龍森欲動。仰面望天天爲空。滄溟一粟浩歌起。酒酣耳

熱生悲風。手招羽衣。跨孤鶴。欲挽日。轡驅豐隆。眼
底沉冥。真一息。今晨何晨。夕何夕。詞鋒戰壘。總茫
然。為覓殘碑。與折戟。中秋天鏡。幾澄輝。此夜月輪
光盪射。山川城郭。鬱千盤。吳楚乾坤。同一碧玉壺
倒映。烏影翻。錦席平鋪。練花坪。竭來載酒。林臯亭
驪呼痛飲。滿浮白。今時四郊。方晏清。舳艫無用。卧
江磧。東南冠蓋。盛繁華。座中豈有飄零客。古人已
去。今人來。百年高會。良莫逆。二子精魂。查莫追。徒
倚欄干。悵疇昔。勝遊空在。日月馳。人世風塵。易乖
隔。磨旗石畔。吳王都。洗硯池邊。團練宅。破却夢幻
窺無窮。霸圖宦蹟。俱堪擲。明朝揮手。忽西東。此地
今宵復陳迹。

徐氏海隅集卷之五

徐氏海隅集卷之六

京稿

吳郡徐學謨叔明著

五言近體

冬至早朝

密室占葭管微和襲苑條蓬萊天欲曙鳩鵲雪全
消書物遵周典仰祥薦舜韶小臣齊獻履共戴
紫宸朝

贈張錦衣

華閥依丹禁青春照錦袍宸恩傳鳳詔家學習龍
韜霄漢垂衣近風雲扈蹕高異時歌出塞長夜馬

騰槽

送馬檢討用封東藩代作

彤闕頒封典詞林簡俊流
宸章傳海岱仙使下瀛洲
寶玉遙分魯河山永翊周
馬卿遊自壯賦就嶽雲樓

寄陳上之二首

尚憶澄江別相看淚欲揮
人皆矜顯達吾自怨分飛
材大成須晚曲高和轉稀
差池青鬢在幽谷送陽暉

其二

爲有幽棲興還憐舊草堂
十年同寂寞一別共悲涼
烽火書難寄烟霞夢未忘
上林啼鳩處徙倚對斜陽

錫山謁座主華公

舊日玉堂賓明時早乞身
春風飄素髮滄海避紅塵
名與文章遠心將烟水親
門前車馬客應是問奇人

維揚崔侍御留集時倭亂初定

臺中人吏散相對故情懽
夜靜漏聲切烏啼秋氣寒
一尊憐別易歧路怯歌難
淮海無傳羽風清鐵

豸冠

寄陳上之下第

秣陵今六上猶抱一經歸世路多荆棘時人賤布
衣徒然感朋舊爲爾念庭幃豈乏凌雲賦從知識
者稀

送陳比部慮囚閩中

班馬向人鳴雙旌出帝城花邊春酒盡海畔法星
明 聖主垂欽恤恩輝竝發生漢家三尺在定國
久稱平

雨夜袁履善比部新至京回宿潘文學館時

江南倭亂初平又聞虜報感賦二首

風急涼生箔雲低雨入城時來同薄宦亂後摠餘
生燧起龍沙色陸沉金馬情燭花羞鬢短漫擬請
長纓

其二

旅館矜聯榻塵寰佇拂衣薄遊吾道拙未老寸心
違析轉宵難曙鍾來雨漸微聞雞渾欲舞歌逐劍
光飛

周胤昌水部抱病思歸雨夜過看時東南警
報日至

園有相如渴樓仍主粲愁病來應廢酒客至不梳
頭風雨秋先入滄溟戰未休五湖元自闊何處覓
扁舟

送許醫士歸松江

袁比部甥

長安古道邊驅馬夕陽前念女忽千里還家又一
年衣冠今似舅鄉里共稱賢淮海烽煙息臨歧莫
悵然

送潘子實南還二首

拂曙出長安行行歲欲殘日驅羸馬病霜益敝裘
寒別去龍依劍愁來鷓作冠不因同旅泊郵覺遠

離難

其二

薊北逢旋旆淮南望息戈聊因歌杖杜未可臥烟
蘿淚向窮交盡愁緣故國多因君問招隱相送意
如何

送人之任南平丞

獻賦不得意一官聊爲貧名山饒勝地到處可藏
真去踏關門雪歸逢驛路春漆園猶吏隱寧厭走
風塵

初春姚園省僚七人餞宋膳部之楚作二首

徐氏海隱集卷之六
四
座送三湘別園追七子遊淒然臨遠道共爾恣冥
搜白日旄麾麗芳洲蘅杜愁淹留春酒暮臨去倚
筵篔

其二

綺榭依郊僻芳筵促帳移鳥聲驩客至花事怯春
遲勝賞留燕谷行歌變楚詞江離如可摘遙寄慰
相思

送袁履善比部謫沔陽守二首

遷客投南郢風流良在茲官同滄水使人遠白雲
司公事閒移艇幽心對採蘿本無憔悴色漁父詎

能知

其二

飛旆隔氛氲沙黃日易曛青霄分去路芳草惜離
群放逐三刀夢羈淹五馬勲湘江愁浩渺應俟吊
冤文

送同年趙公溥主客擢四川僉憲

公嘗令
錢塘

蜀道難如此嗟君萬里行花時同戀別猿夜獨舍
情使以觀風重身緣許國輕五陵春草夢長在錦
官城

其二

孤劍辭燕日雙旌赴蜀年
渥恩初建節嘉績自鳴絃
丹闕龍顏迥青天鳥道懸
巴童應咲舞爭挽使君船

潘文學再至京館話舊二首

雪裏一爲別山中住幾時
公車如有待官舍遠相期
蹇或空皮骨衰應益鬢絲
因君問鄉土流淚滿瘡痍

其二

自君南去後世事轉悠然
解榻還今夜開樽念宿緣
龍鍾數語外鷄署五年前
莫問窮通理相叅醉

裏禪

曹生南還戲贈二首

壯日輕離別初歸又客身
書應成蠹穴劍已剝龍鱗
對酒臨長道投詩謝主人
還家何所有衣上洛陽塵

其二

共有悲秋意關河思渺然
故鄉不可問孤客轉堪憐
衣任百鷄結家從四壁懸
長裾還可曳不受翠眉牽

齋菊偶題

徐氏海陽集卷之六
六
疎葉同吾嬾繁英逐署香不妨淹節序聊得遠風
霜低裊侵書案幽栖伴草堂山尊頻對汝何似醉
柴桑

送吳文學南還

相送逢寒月遠行空復情驩嫌宵會促貧信客身
輕曉發星隨馬天清霜滿城于今東海上誰識漢
公卿

送潘文學赴龍泉司訓二首

世路杳難期寒原是別時還家無舊業覽鏡有新
絲獨抱一經去還爲多士師應憐慈母意未厭拜

官遲

其二

之官亦不遠鄉樹隔錢唐一水浮征棹千山對講
堂廣文頻借馬祭酒但持觴爭似平津邸逡巡愧
省郎

補郡二首 有序

余視篆祠曹甚久比以爭山陵禮忤貴人斥守
荆南於格稍詘顧官至二千石差不惡矣安敢
妄自菲薄哉爰勒茲什用喻所知

一麾今出守十載久爲郎他自能除吏吾猶不過

湘 恩還承薄譴罪或比佯僵對宸空垂泣千秋

笑濮陽汲長孺
濮陽人

其二

江漢經周味循良入漢傳歸將榮鵲繡去自拭龍
泉閉閣思無訟巡肝願有年春明饒萬里報 主

寸心懸

徐氏海隅集卷之六

徐氏海隅集卷之七

荆稿

吳郡徐學謨叔明著

五言近體

赴荆南四首

鼓柁凌天塹因風發潤州吳雲生別袂楚雨濕行
舟地盡巴人國春深庾客樓鄉心日東注迴首大
江流

其二

春色難欺鬢塵容易折腰汀蕪何漠漠沙渚益迢
迢瀕洞龍宮杳清涼屨氣銷茫茫臨水國因得聞

風謠

其三

兒女舩艖寄風濤日夜驚鱗邊思遠信鷗外着浮
生百丈牽灘急雙橈出溜平所經多險絕自悉壯
游情

其四

七澤分雲夢二巴赴峽流郡人同候郭江館異依
劉郵給銀絲繪津連彩鷁舟荆門多古意吾已占
名州

孱陵晚泊

地闊雲生渚江高水入城茫茫巢燕少泛泛浴鳧
輕野店虛烟火天涯薄宦情已知催賦拙况乃廢
春耕

夏日太暉觀酌袁崔二使君作二首

長夏難銷日高臺易得風偶乘公事暇因與故人
同野水浮城白巖花隱座紅緜山不在遠笙鶴幾
相逢

其二

雨過炎雲淨山中夏葉稠浮踪踈赤嶠高興逼丹
立州二公皆黃野色濃看黍機心薄對鷗清齋淹日

未何異採真遊

西園應教

徑僻城相掩池涼輦暫移日華踈竹葉雨氣潤花
枝對酒聽歌數臨流促和遲由來酣醴熟五夜亦
忘疲

月夜同應水部集章臺湖泛得魚喜賦

古道埋歌舞輕舸襲芰荷臺荒無可問花好亦應
過水長臨湖闊林踈見月多小鮮頻入饌吾亦戀
漁簞

後一夜再集竹林分韻得繁字

秋空瑤玉不極商吹拂清尊夜色催寒漏蛩聲度短
垣花驕彭澤節酒懃辟疆園取醉年頻異應憐客
緒繁

暮投建陽郵舍

逕多寒逾苦江深雨益昏相投隨候火重至識顏
垣道路殘年事羈棲獨客魂夜中無醉尉叱騎過
山村

郢僚召飲作二首

座中潘別駕吳人

避俗貪羈旅留驩簇綺羅共謀霄秉燭那惜酒成
河座密聞吳語屏開出郢歌醉來吾亦舞自咲影

婆娑

其二

拙宦俱堪適浮名詎有韁重來殘歲少相見故情
長夜色沉宮漏山寒避郡堂三湘愁滯客郢樹幾
風霜

夜宿郢東村庄作二首

浪急迷江艇山深伏草堂蕭條初繫馬懶散不須
牀凍色銷鑪葉墟烟熟裹糧陰風吹壁立俯仰意
茫茫

其二

總解蘧廬夢難辭車馬塵低眉隨物態容膝近天
真飢鼠頻侵寐寒鷄不辨晨田家逢客少留盼轉
情親

象山祠

為報知軍日城西見古堂錦含霜後鏃銀瀉雪前
塘泉瀟分蒙惠丹青照郢襄相過薦明水下馬立
殘陽

訪宋山人登春不遇

窈窕山城路投驂下夕陰看松欲有問伐木杳難
尋空谷絕塵鞅清齋畱素琴從來避世者遠跡在

高深

宋山人過郡齋作

已卜雲中宅猶尋世上緣
蓋傾頭可白坐久思俱
玄詩入唐初品書成物外篇
自君還往後吾榻日
高懸

試院喜晴

猶憶投繻日今臨選士場
祥煙開棟宇霽日見文
章晝漏聲頻報詞鋒戰未央
大鵬初振翮雲路恣
翱翔

携榼過草亭酌宋山人二首

宋故趙人

客計疏春事幽期負酒盃
楚庭饒問對易水易悲
哀江媚初含柳巖英尚落梅
劇憐招隱地日暮馬
遲回

其二

有客愛樓居行吟只宴如
不知花信及轉與俗情
踈對我初開酒呼兒出著書
王門堪避世不肯歎
無車

春夜顧聖之宋登春二山人集郡齋時顧有
襄陽之行贈別二首

腰下拭吳鉤憐君賦遠遊
坐嫌春漏短醉愛草堂

幽峴石尋羊叔滄洲待虎頭
章臺差不惡莫為習
池雷

其二

寂寞高齋裏翩翩索酒杯
江湖同避地宇宙並憐
才老去詩無敵春來醉幾迴
飄零南紀客去住捨
堪哀

大暉觀餞別汪襄陽時遷福州監軍副使

飛蓋臨丹阜移觴款白雲
城孤踈睥睨臺迥接氤
氲古鉢聞龍氣晴川映豸文
八閩戎馬地提劍淨
妖氛

九日同應黃州袁別駕林顧二山人集江夏

長春觀

投駕披霞嶺捫蘿狎鳥羣
秋榮聊共把客袂不能
分沙遠寒浮日峰高澹入雲
那堪商吹發落木正
紛紛

襄城鐵佛寺偶題

落日休車馬淒然漢水濱
昏來難覓主寒至不宜
人祇戀禪棲寂何嗟旅食貧
惟餘松際月相見故
情親

石華道中遇雨

一望鄖州路誰憐楚客心浮陰千嶂合積雨二儀
深總轡防途險投人畏晚侵栖栖那可問獨雁下
空林

夜度九里岡

前村暮炯起而我尚西馳宿火從人乞羸糧候館
炊棲鳥窺過客疲馬厭經時失路無勞問茫茫任
所之

東殷無美下第

高才宜早達不謂尚儒衣人惜明經老秋逢獻策
歸無媒應自惜有志莫相違借問閨中婦明年肯

下機

寄懷王山人翹善詩畫

舊日酣歌客悠然滄海湄門虛高士辟室任老妻
饑自識貧非病應憐畫有詩瀟湘如可寫遲爾寄
相思

京邸贈王山人逢年時客成國第

索居頓念爾衣馬自長安券老黃金散書成彩筆
寒筮篔分院樂鍾鼎出侯餐猶有飛騰意陰符夜
裏看

故游王元肅叅軍性喜客比來京師承召賞

徐氏海陽集卷之七
七
元夕時顧符卿沈儀部顧比部同集作二首
節序催煙火乾坤此合并雪番人日瑞月傍客星
明相對輝銀樹無端醉玉京還疑投轄處恍惚似
前生

其二

郢客投驂屢燕歌引筑賒風烟憐夙昔賓客老京
華艷影傳鰲火芳塵逐鳳釵六街良夜永遊騎宿
誰家

京舊飲餞慈恩寺作

西發天涯路臨分柰爾何柳絲堪繫別鶯谷但聞
歌轉旆辭香積迴驂散玉珂頭陀番偈處古閣蔓
藤蘿

偶書

炎埃日紛迸驅馬五陵間不識平津邸聊參計吏
班相逢開笑口何處避嗔顏番得逡巡意西陵看
雪山

寄懷宋山人

江漢悠悠客無家詠在阿名將黃石隱詩為白雲
多南紀看花發東風屬歲和所居人世隔那處問
漁簑

賦得關山月

迢遞關山月逢春更可憐
相隨蹀躞馬已過艷陽
天望影銷燕燧含淒泫
郢煙不知征路遠殘夜落
誰邊

賦得折楊柳

陌上垂楊柳折來欲寄誰
柔條初帶媚密葉遠含
滋未喚吳閨怨先令郢客悲
只愁飄絮劇容易度
芳時

宿葉縣春風亭作

旅客宜高枕深春復此亭
却看花似雨因惜鬢如

星時序奄相迫川原慰所經
卧龍岡可辨霄漢一
峰青

博望道中用韻

客行難計日隨路送春光
飛旆凝嵐濕輕輪藉草
香中原廻驛騎南紀限河梁
幽興乘于役看山過
赭陽

自宛趨鄖迂道鄧州作

二月別京塵還家及暮春
鶯歌初度洛馬首復投
秦岐路非前計尋山豈宿因
東西隨所適都是客
遊身

鈞州聞鄉友落第

別後頻相望，遙聞恐未真。忽傳新第榜，果失故交人。
佳夢能欺客，窮途復問津。江頭看花者，曾是倦遊身。

均州館夜

郊館帶平川，靈都地自偏。土風嘉淨樂，官府近神仙。
僊夜榻雲蒸濕，春城雨接連。齋心應寄此，趺坐佛燈前。

鄖鄉

客行厭車馬，暫爾息征鞍。公署緣蘿石，春厨薦韭

盤。素屏侵月淡，高枕逼江寒。捲霧春山曙，時時柱

易看

館夜朱尹見過感賦

殘季鶯花少，中年愁思多。頻來知鳥厭，靜極喜人過。
客路如風馬，鄉心似薜蘿。萬山迴合處，幽吹起巖阿。

夜渡鄖山

一春千里道，都在萬山間。飛瀑懸崖急，孤雲伴鳥還。
客行何自苦，夜裏不曾閒。無限勞歌意，天涯未賜環。

清南館次

側徑迂行色，荒雲散午陰。
花繁迷鳥度，峽轉問猿吟。
過隴秦山合，經春楚望深。
樵風吹露冕，底事遠相尋。

端午次雋州偶賦

三年頻獨客，此日復端陽。
問俗初辭鄂，為文欲吊湘。
荆雲迷競渡，江沫濺飛觴。
灘潘迴風急，村村滯小航。

嘉魚阻風同鄉沈參軍晉酌鳳翔樓適觀江漲二首

閣迥凌翔鳳，山橫見躍魚。
山半空浮日，淡深谷聽濤。
虛赤壁銷沉戟，黃川廢荷鋤。
吾踪原不佳，歎息水雲居。

其二

水汨鷗沙遠，山藏虎跡幽。
西風迴朔檝，東道出飛樓。
空闊迷吳望，羈棲傍楚謳。
飄颻堪送日，不為酒淹留。

北風

北風炎月少，為送上江船。
翠黛迎山近，銀花蹴浪圓。
長年施枕直，盡日看帆懸。
貪涉非吾意，防湍夜

未眠

喜車木堤成作

頻歲憂江決茲宵縱轡行古田猶積潦新雨不防
城賦杖今休役誅茆可托生翻悲昏墊日經險尚
含情

陸公祠

舊宇中丞座荒烟薄暮時雙蕉分翠幄一雨潤黃
師堤樹擁沙難圻江安歲屢移土人知伏臘覲鼓
報恩私

金果寺

日暮菩提寺江雲刺史輿草書侵繡佛香篆失精
廬僧飯頻窺鳥齋蔬暫輟魚二年行脚地吟望轉
蕭疎

五月十七日郡僚禱觀競渡二首

競渡何年有傳悲楚大夫四郊連歲厄萬艦失江
娛此日觀風俗羣公載酒壚猶追全盛日滿路擁
笙竽

其二

解黍逾芳節登臺補勝遊魚龍呈水戲江漢續風
流破浪人呼采聽歌酒滿甌聊將借樂意豈弟媿

呼侯

早秋知艱庄觀穫次韻應教三首

玉穎先秋入朱旗向晚來開軒麾扈從折簡促趨陪沙白分鷗席池紅濺芟杯王情方一豫雲漢轉徘徊時又早禱雨

其二

土沃禾應早林暄鳥自言井烟迴睥睨江練圻乾坤圃啄餘珠粒村酣羨瓦盆本無軒冕意來共野夫論

其三

郊禱仍虞旱王儲已兆登冰筵傳雪藕野飯雜蔬菱斗轉孤城角星輝五夜燈中林幽興劇醉後酒頻增

齊居偶書

秋色吳雲外天涯郢客身西風應載酒涼露欲沾巾宦拙踈農事園蕪愧主人試看青鏡髮合是廟廊珍

八月初七夜西湖泛舟

秋色不在遠滄浪殊可憐芙蓉低水上樓閣隱城偏待月停歌袖隨風放釣船不知臨老日能乞鑑

湖田

十二夜宴宋國賓館應教

綺席瞻華袞朱門傍碧霄主情淹露坐優語雜風
謠醉任龍蛇筆歌迴鸞鳳簫絳紗將落月宮路簇
雲翹

十六夜與宋山人小坐戒飲

一夕驚秋老江城月較遲不因中酒後那得獨醒
時杖外追遊地囊中續隱詩淒情孤嘯發莫傍夜
烏枝

十七夜集劉刺史宅

出城秋更好取醉又誰家遲月雲移席聽江夜走
沙牙槽針引瑟銀燭細籠紗欲問青門事盤分五
色瓜

客至

秋陰度江閣相對似禪居日宴已橫榻風來時捲
書從容談酒德簡略具魚蔬退食何多暇羊饑訟
牒踈

同蘇郡丞偶憇章臺寺

雲汀秋漠漠野寺日蕭蕭燒盡番馳道花殘憶舞
腰所經賓客換動惜歲年遙向夕臨津埠江寒送

小舸

九日席上次蘇郡丞韻

北斗樓應逼南荆客屢招滿城瞻玉兔累月醉金
貂沙遠秋堪望江寒歲欲銷此時簪菊罷心折海
雲遙

荆河送別項少叅罷官歸閩

天際片帆飛故人何處歸秋猿隨峽斷朔雁度衡
稀去日都成夢殘生此息機山中拋鵲錦不悔老
鷓衣

牛司理自江夏還見過番飲郡齋

幾日別江關高齋生暮寒餐英和沆瀣移蓼遠風
湍細語孤檠切清歌長缺殘醉君幽卧處明月水
晶盤

瑤林別館吳人屠畫師席賦

帝子餘華館長裾復見君秋聲江外急鄉語客中
聞彩筆流霞氣瑤林掃練文相過幽典劇無宴不
宵分

集蘇郡丞館

主人不能飲番客故多情短菊晚堪把饑鳥寒欲
驚江收雲夢澤葉盡楚王城政隙頗相過堪呼漉

酒生

秋日松滋江上宿臺山寺謾興八首

出郭沿清瀨微風生夜涼吏情踈印組人影湛滄
浪野火燒雲白汀沙薰日黃清歌聊自適吾計老
江鄉

其二

蘆花看不盡烟鳥赴孤城自有悲秋意兼為問俗
行村春寒溜急江筏夜橈鳴幸已沾微祿無勞耻

聖明

其三

在郡少休假行谿多靜緣幸無民吏待不遣騎饒
傳江市供鯖鮓沙田稅木綿土風差不惡素飽自
年年

其四

巡郊窮所歷向夜寂無喧水國歲將盡津鴻聲轉
繁為郎空白首在郡但朱轡未解理人術終慙田
父言

其五

雲歸壑暝時逕窄到山遲香燼夜方永詩成人不
知淒風鳴竹嶼涼露滴蓮池此意澹無礙東林叩

法師

其六

江樹紅於血那能不解愁
槍榆聊齷齪霄漢總悠悠
懷土無新賦問年非壯遊
東流徒浩淼淒斷木蘭舟

其七

峽近江痕細沙崩寺影歎
開門見烟浪滿座宿鷗鷺
對榻知緣淺看燈悟法遲
支離隨世界未敢怨棲卑

其八

塵心如木葉寒至自分飛
白杜無書寄滄州與願
違殘生何去住漸老念飯
依山水相逢處冷然見
息機

夜度荆江

津鼓催官舫川昏冒險行
月殘江樹影風急暮帆
聲岸火頻迎客郵籤不計
程楚關流浪日還往若
為情

送郢郡潘別駕左遷便道還吳二首

有序

壬戌歲楚吏以催科無狀多被臺叅余方候
罪未結而別駕故非儲職罹纒誤謹心甚傷

之然獲便省觀亦一奇會云

江上幾時歸秋帆共葉飛政非催賦拙罪竟與官
違郢客應番曲陳人久借輝可憐同病意悽挽逐
臣衣

其二

客心厭楚關終夜夢刀鏗以爾遭讒去知余行路
難宦情承薄譴鄉信憶南還親老應相念高堂見
舞鸚

題劉節愍卷

公名儁以兵部尚書討安南蓋
業以捷聞而臨陣死馬荆南有

詞

颶急迷塵戰砂昏失援師軍中旋凱後燾下報息
時骨瘞蠻烟冷魂歸郢月遲至今銅柱外白日大

安祠

送高倅謫令西川高黃州人先任姑蘇

萬里岷峨客言從赤壁來山川多謫宦今古幾憐
才花發吳王館江深神女臺扁舟不相待春色錦
城催

誤儲被叅荆人詰 關下訟冤不報漫述

郡以為魚敝身將失馬論叩闈終萬里投杼竟三
言愛豈番荆樹敬應失郢門 聖朝文網闊猶冒

左遷恩

七月十五日 景藩奏逮將赴江夏作

簿責緣何罪脩然報 主身封疆循牧事今古悵

累臣去已辜騎竹行當就東新非吾自有萬死

亦飄塵

徐氏海隅集卷之七

